

天下名山遊記

新安吳秋士西邨選

虞襟霞閣主人校訂

廣東

遊西樵山記

湛若水

弘治己未秋。予與張博之鄧順之趙景鳳約遊西樵。而五羊李子長者聞之。偕李天秩先候予。鄧氏未及面。賦詩而去。比予至。鄧氏而諸與約者皆無在矣。獨與鄧誠之順之鵠張三君者。乘月泛舟而西。及旦抵山麓。遂同三君。由斜徑扳躋而上。登絕坂。履崇崖。如乘雲步空中。下視可憐。又扶向上。而過所謂翳門關者。關之內有泉。淙然流石上。泉夾兩山之間。山迴泉折。注爲石潭。潭之深闊若不可測。相傳嘗有好事者墜巖下之。莫知其底云。逾潭之西。又行數十步。得瀑布泉。飛流映空。以爲絕觀。又却行西北轉。數百步。過山家數處。有泉石伶仃。觸目皆可念。又前則呀然而谷。豁然而洞。居人或散或聚。咸植鋤來觀。巖隙若有

驚駭者。將夕。遂止於寶峯寺宿焉。明日。又觀所謂錦巖者。其中惡濁曖昧。不可入。遂觀小巖。有泉由巖端飛洒而下。穿林而東。行二里。一谷焉。中虛而旁圍有三泉。遶其側。二十二峯倚其後。予歎曰。此卜居之勝處也。徜徉不能去者久之。憶予自少時。已聞羅浮西樵之勝。而談羅浮者。多奇偉怪誕之稱。令人極思其境。如在天上。而西樵獨無與焉。丙辰春。予與嘉魚李世卿游羅浮。登飛雲。而縱觀夫所謂黃龍朱明之勝。亦奇矣。而西樵之景。殆或倍之。予况予之所得於西樵者。十未能一二也耶。吾以是知天下之山水勝者。不必名。名者不必勝也。惟吾耳目之所得。精神之所通。而未始有窮焉。由是以往。殆將與夫造物者游於無極。則夫天地之間。高深下上之妙。莫非吾之所有。而與之相爲無窮也。又豈但如西樵而已耶。

羅浮指掌圖記

鄉師正

名山異境。散布人寰。其知名者。有十大洞天。五在江浙。三在梁益。與夫洛京一。惠陽一而已。洛京衣冠都會之地。江浙梁益。舟車奔湊之鄉。其林泉之美。登覽

之便。著於有聞。蓋地勢使然也。獨羅浮遊處海上。天下想聞之。而恨不至其地。聞有能至之者。非逸世高蹈之士。必希仙慕道之人。山之高且三千六百丈。地之袤直五百里。峯巒之多四百三十二。溪澗川源。有不可勝數者。是雖長年隱者。猶未易徧覽。而况士大夫來游者。暫至倏還。旬日而罷。又安能周知。茲指掌圖所以作也。游山者。自龍華寺。有昌福夫人祠。七里登山。初至延祥寺。唐明賜額。明月戒壇。唐時度僧於此受戒。百尺壇。唐祭山建。鐵佛像。西域所獻者。御園柑子。唐朝充貢。玄宗幸蜀。德宗幸梁。時皆不實。僖宗幸蜀。花落樹枯。至山腰。三百餘。有寶積寺。宋朝賜額。中閭。唐僧懷迪所建。御書閣。中藏宋太宗真宗仁宗賜書及景德賜佛衣嘉祐賜藏經。錫杖泉。景泰禪師駐錫之地。銅佛像寺後羅漢巖。有火通金壇山。伏虎巖。隋僧惠越居此。嘗引虎枕其股。佛跡石上山十里。有大小石樓。二樓相去五里。其狀如樓。有石門。俯視鎗海。夜半見日出。有山岸。周迴五里。水消長。應海潮盈縮之候。鐵橋峯。在羅浮二山相接處。上界三峯。上接鐵橋峯。高三仞。在烟靄中人莫能見。青羊巖。在上界第三峯頂上。有羊跡。夜樂洞。在上

界三峯下昔人聞仙樂於此。犀牛潭。試劍石。（在夜樂洞中軒轅集於此試劍。）瀑布泉。（夜樂洞中上界三峯側飛泉至三十仞。）鳳凰谷。（夜樂洞中有谷相傳鳳凰出入其間。）鳳浴潭。（在鳳凰谷口有五色雲氣。）瑤石臺。（在浮山接鐵橋峯高五百六十丈有奇。）飛雲橋。（又云凌雲在山頂上卽飛雲峯夜半見日出有見日菴廢址林巒中。）瑤池。（在山頂又名龍母池。）阿耨池。（在飛雲橋西景泰禪師入定之處。）夜樂池。（飛雲塔側池中夜有樂聲。）阿耨埧。（梁蕭營建有二十六所。）泉源山。（羅浮二山接連處俗呼分水凹下接龍王坑鄭思遠修道之所泉分東西流。）玉鶴峯。（一名鶴嶺。）龍王坑。（景泰禪師說法於此有龍來聽。）上中下龍潭。（亦名西龍潭有瀑布泉三十仞。）花首壇。（佛書云花首菩薩五百會於此壇上。）資福寺南樓寺。（在石樓之南故得名。）去延祥之西五里餘。曰黃龍洞。（南漢於此建天華宮今呼爲西天華。）七星壇。（有古松七株甚奇。）獅子洞。（有道者菴。）花首臺。（在黃龍洞之西。）山背曰鳳凰岡。（何仙姑居此。）雲母溪。（其中出雲母石）循延祥而東。七里餘抵冲崖觀。葛仙所居。丹竈。（有東坡書拜川丹竈四字。）衣冠塚。（葛仙尸解葬其衣冠。）

蓬萊閣後遺履軒。（鮑仙葛仙夜談之所）銅玉皇像。及二侍從三尊。（南漢所鑄者）觀後朱明洞。（道書云朱真人所治）朝斗壇。（在洞口近於壇獲銅龍六銅魚一）黃野人菴。（野人葛仙之門人也蓋有啞虎爲守焉）釣魚臺。（在觀之左）青霞谷。（蘇真人嘗居之）野人洞。（卽王子書堂坑王子名觀唐人）觀之北曰懸膠觀。（葛仙北菴）麻姑峯。（在觀之西南有麻姑壇常有彩雲白鶴集其上）觀之南曰觀源洞。（一名麻姑洞一名藥院葛仙洗藥之所也）西北曰幽居洞。（有鄭公書堂）滴水巖。（在幽居洞之後）長壽觀。（本南漢天華宮今呼爲南天宮）中路直上君子巖。（巖側有通天巖）雲峯巖其下。曰蝴蝶洞。（洞多蝴蝶云是葛仙遺衣所化）前曰水廉洞。（此中水石最勝張祕書留丞相讀書於此）天漢橋路出藥槽。其下爲流杯池。（昔有八仙會飲於此其側有八仙石石上有詩）羅浮石刻。（篆書羅浮石大字廣丈許郡守雖陽吳哀書又小石刻朱明洞天四字倒臥溪中又石刻篆書長壽閣三字范陽祖無擇題書餘石刻俱不可辨）東龍潭。（潭上有五龍堂）自冲虛觀出會仙橋。東行里餘。抵明福觀。（南漢建亦名九天觀）遙遷至石洞。（卽鄭仙騎牛入石處）小

水廉洞。（此處多隱者菴）白鶴觀。（葛仙東菴）東北至蛇穴。（單道開蟬蛻之所相傳穴中有路通眉州）又東數里至蓬萊洞。丫髻峯。（又名雙髻峯）有劉仙壇。（石壇高百丈許）云劉高尙打坐處其傍生竹葉符鎮厭蛇虎）峯下有試劍石。有羅陽篋。（傍溪產龍慈竹巨十圍其節長二丈葉如芭蕉）東林寺山之東西。有香臺峯。會真峯。櫻桃峯。拋毬峯。刀子峯。錦繡峯。黃猿峯。鉢盂峯。致雲峯。大旗峯。小旗峯。雲母峯。雞籠峯。又有金沙洞。石白洞。太和洞。歐陽洞。赤水洞。白雲洞。風洞。雲洞。雨洞。白角洞。大慈寺洞。古老洞。白芒古洞。桃榔洞。大坑洞。奇巖秀岑。端流怪石。不可名狀。此游山者之梗概也。大抵洞裏乾坤。壺中日月。雖與世相絕。然人與山有緣。則蓬萊遠隔弱水。以躡車飛空。而或可到。與山無緣。則廬州近對會稽。雖驅石塞海。而弗可逢。故作指掌圖。與好事覽焉。

碧落洞記

王陶

地之靈者。以山水稱。人之英者。以文章顯。故大塊間多巖壑勝概。非值通才碩賢。跡所到。心所想。擗辭載實。克播發之。則雖駢奇粹異。至於仙家所謂洞天福

地相參。亦不得有名於四方矣。滇陽郡南逾十五里。羣岫亘屬。長溪縈紆。窮河盡源。呀然成洞。中敞石室。下逗寒流。融糾萬狀。衣冠輩未嘗一詣。唐元和六年。周夔羽皇探得幽絕。遂命侶以游。著到難一篇。刊在巖石。語情思逸。狀寫景物至當。後人嗣到。稍稍甚易。然奇文獨在。無能可復繼者。僞漢劉氏始題洞曰裴落。室曰雲華。自是益號名跡。標望嶺隅。南北來游。無日無之。予厭聞其勝。患未得賞。今還故里。閒居多暇。因率諸髦士偕至絕境。稅駕暫息。寓目一覽。崖危壁峭。駭動神魂。風冷溜皦。爽侵肌骨。氣潤烟霧。香馥松桂。若登青岑。造赤城。霓旌可接。鸞馭可攀。又豈止捐世紛脫塵累而已乎。旣而捫蘿設險。周訪遺迹。洗杯酌醪。相陪夜飲。歡而醉。狂而歌。躍足於清泉。曲肱於磐石。心境俱外。物我皆忘。浮圖非想之天。老氏無何之鄉。訂此冲寂。彼焉此焉。夫人生所樂爲趣。匪一志尙於內。情適於外。是謂得矣。顧不知逸少蘭亭之宴。太白竹溪之會。復何以專美於千百年間耶。雲扃曉照。促人歸轡。猿鶴相顧。戀戀不忍去者久之。同遊九人。各賦詩以寫興云。

五嶺記

曹學佺

五嶺之說。向來不一。宋周去非謂係入嶺之途有五。蓋自福建入廣東之循梅。一也。自江西之南安入南雄。二也。自湖廣之郴州入連。三也。自道州入廣西之賀縣。四也。自全入靜江。五也。按此本淮南子。以秦始皇利越之犀象齒翡翠珠玕。乃使尉屠睢發卒五十萬。爲五軍。一軍發饒城之嶺。一軍守九疑之塞。一軍戍番禺之都。一軍守南野之界。一軍結餘干之塞。考其地。饒城在武陵西南。九疑在零陵。二處固與湘道全三州接壤。南野餘干俱在江右。入南雄者。必繇南安。入南安亦必繇豫章故也。惟番禺一軍軍於越。故謂之虞。謂之都。其餘去越頗遠。皆隔絕嶺表之路耳。惟昔日隔之。故通於今日也。隔之者。中外維絡。控制使不得動之意。正欲虜其王而入其都耳。裴淵廣州記。謂大庾始安臨賀桂陽揭陽爲五嶺。楊慎丹鉛錄。五嶺考云。臺嶺之嶠在大庾。騎田之嶠在桂陽。都廬之嶠在九真。萌渚之嶠在臨賀。越城之嶠在始安。攷其地。大庾始安臨賀桂陽皆合。惟九真地屬交趾。與揭陽有嶺東西之別耳。余按東粵之嶺。而嶺西東三

道。江右之嶺北道。與粵西之總名嶺右。皆以五嶺爲言。五嶺蔓延數百里。跨連湖廣。江右兩粵三省之界。卽洞庭之南。蒼梧之野。而三苗之區也。苗民負固不服。憑此五嶺爲險。其種類至繁。散匿箐林谿峒之中。卽今之峩民。獯民。猥民。蛋民者。似皆遷於有北之遺者耳。其遷者。必其雄黠桀驁者也。而散匿於箐林谿峒之中。荒野無人之處。實繁有徒。勢能盡遷之乎。遷之不盡而輯之。必有其方。苟不得安輯之道。恐其驚疑轉相煽惑。時時有蠢動之患。復欲舞干羽於兩階亦難矣。故帝舜南巡。至於蒼梧之野。非無事而徇遠略。乃使蠻夷之覲我耿光。被我教化。而施以勞徠勸相之法。收諸要約羈維之內而已。是故嶺一也。在大庾則爲臺嶺。在桂陽則爲騎田。在九真則爲都廬。在臨賀則爲萌渚。在始安則爲越城。而俱以嶠名者。爾雅山銳而高者曰嶠也。楚粵江右之州縣。俱設在山麓。而其銳高處。仍蠻夷居之耳。故桂陽之郴。與廣州之連。零陵之道。與昭州之賀。江右之南安。與東粵之南雄。九真之與欽廉。始安之與衡永。俱相爲接壤而錯處也。漢書揭陽下盡乎惠潮之境。而梅州諸峒。與潮南相通。宋章惇經略湖南。正開梅州之時。觀此則五嶺之爲一嶺也。真帝南巡之故。與夫秦漢取越之

方。俱瞭然在目中矣。

南海古蹟記

吳·萊·

南海蓋禹貢揚州之南境。春秋戰國時地本百越。至秦始皇。而尉陀王者五世。漢元鼎中。南越平。立南海等郡。屬交州治。蒼梧建安中。徙治南海。吳孫權初。割交州。立廣州。而南海郡屬廣。晉因之。宋以後。江左州郡。析置不一。至唐。卽以南海郡立廣州。永徽後。嶺南五管。悉隸廣府。咸通中。復分嶺南爲東西道。廣爲東道。唐末迄五代。南漢劉氏據之。及宋初而後平。今廣州上路領縣七。番禺秦縣。南海增城。漢縣。新會。隋建隋縣。東莞。唐縣。香山。宋縣。廣。大府也。山水人物古蹟之灼然可記者夥矣。粗載其大略於篇。

番禺山。在番禺東。近城兩山相屬。高丈餘。山海經。黃帝生禺號。禺號生禺京。虞南海。一曰二禺山。或云。黃帝二庶子。善音律。南採崑崙竹。制黃鐘宮。遂隱此山。五仙觀山。在子城內。楚高古時有五仙人。人持穀穗一莖。六出。乘羊衣羊。具五方色。遺穗州人。羊化石。仙人騰空去。

南海廣利王廟。在番禺南。廟有唐韓文公碑。玉簫玉硯。象鞭精綬。鄭綯出鎮時。林霽守高州。獻銅鼓。面闊五尺。廣隱起海魚。蝦蟆周匝。今存廟中。宋真宗賜南海玉帶。蕃國刻金書表。龍牙火院布。並存。

浮丘山。在海南西木羅山。朱明之門戶。浮在水中。篙痕宛然。今去海四里。有葛洪珊瑚井。洪煉丹。海神獻珊瑚。

中宿峽。一日峽山。在清遠東。山對峙江中。秦趙胡曾釣得金鯉。可重百斤。貢之秦王。有釣鯉臺。東有尉佗萬人城。南有煙幡嶺。唐大曆間。哥舒晃叛。廣州討晃。夢神人謂曰。見幡卽回。及晃平回師。山頂有掛幡。

白雲山在番禺東。山高無泉。有龍化爲九童子泉。遽涌時有五色小蛇。蜿蜒下。爲大小水簾洞。素安期生隱處。始皇嘗遣人訪安期生。或云。子城東有安期生蒲欄後。欄中產菖蒲。一寸九節。食之仙。

任囂墓山。在西城內。囂秦二世時。南海尉病。召龍川令趙佗使行。尉事囂死。秦亂。佗竟自王。

趙王臺。在太城北。尉佗築。西有趙王朝漢臺。歲時羣僕拜。兩臺踞山巔屹然。山

有達磨泉。達磨自天竺航海至。指其地曰。地有黃金萬餘兩。貪者力鑿得泉。達磨曰。是可錄兩計哉。今海水鹹。泉最冽。

越王趙佗墓山在南海。南自雞籠岡。北至天井。連岡接嶺。佗葬輜車四出。棺殯無定處。吳黃武中。交州從事吳瑜。訪佗墓莫能得。獨得王嬰齊墓。珠襦玉匣。玉璽金印三十六。銅劍三。爛若龍文。悉瘞玉匣金飾。後瑜攜劍。經轅上。飛入江水。南越三弟建德故宅。在西城內。吳虞翻移交州時。有園池。唐六祖慧能剃髮受戒寺。有壇。壇有菩提樹。房相國融譚楞嚴經。有筆授軒。大硯。融自刻大唐神龍改元七月七日。天然僧般刺密諦自廣譯經出此硯。堅潤可愛。藏殿內。有屈塲布。西天衣繡內相。大如兩指。

越井崗。在南海南。一曰趙佗井。一曰鮑姑井。鮑姑。葛稚川妻。嘗行炙南海。善炙贅疣。唐崔偉遇姑。得越井岡艾。南漢劉龔號玉龍泉。禁民不得汲。

石門在南海北山。夾江對峙如門。漢樓船將軍楊僕討南越。先將精卒陷尋峽。破石門。東有貪泉。晉吳隱之刺廣州。酌泉賦詩處。隱之北歸。家人攜沉香一斤。覺投香江中。

漢徵士董正墓山。在番禺東。正州人。清白不羣。晉隆和中。太守袁彥伯。求其後
旌之。

馬鞍山在番禺北。秦時望氣者。言南海有王氣。發卒千人。鑿山狀如馬鞍。漢伏
波將軍馬援。嘗駐兵山岡。每風雨晦冥。聽之若有軍聲殷然。

盧循故城。在番禺南城。南小洲狀如方壺。蓋循故居處。金盧亭。夷人男女椎髻。
俗採魚鱉。簾竹。又有龍戶。一曰蜚戶。舊傳循字元龍。此恐循遺種。五月一日。蒸
水蜚戶。舊不設網罟。

石鼓山在東莞南。山有石如鼓。鼓鳴。世亂兵起。盧循東寇。隱隱有聲。

金牛潭在增城南。本增江水。潭有金牛。晉羅公鈞得金緯。牛從緯出。見人復投。
斷其緯。得一尺。義熙中。周靈甫勇擊得三尺。唐韓文公宿增江口。有詩示姪湘。
甘溪在南海東。晉廣州刺史陸自西北百餘里。築堤歸水給城。南漢劉氏闢甘
泉苑。汎杯池。南有陸公亭故基。溪夾種刺桐木綿。花開殷豔如畫。

博大山在番禺東。山有盧循母檀氏墓。東南有盧埃循俘海與吳隱之戰。立烽
墩處。山下溪有神鼎。唐劉道錫刺廣州。遣人係鼎引出。鼎耳斷鼎紋。執鄉者耳。

盡痛。馮盎墓山。在新會北。盎世爲南越首領。祖父寶守高涼。聘譙國夫人洗氏。寶死。洗懷集百越。斬歐陽訖陳結。洗鼓吹麾幢。至盎三世。武德中。盎將南越衆。附唐。赤石岡在番禺西南。山色赤如火燃。唐有扶南人請以黃金萬鎰。市山發寶藏。刺史韋明曰。南州鎮山也。弗許。

景泰山在番禺東北。山巍然聳拔。下然越峻。唐景泰禪師卓錫。古有七仙入守山。後發得石履二。古鏡一。紹興間。風雨山裂。又得唐天寶時銅鐘。並藏寺中。黃雲山在新會北。唐一行禪師來游此山。黃雲自山內輝映衣袖。遂卓菴山巔。弟子至者。五百餘人。

寶莊嚴舍利塔。在西城內。梁大同間。曇俗法師奉武帝命。求釋迦舍利。創千佛塔。唐高宗時。廣州都督李重建。王勃記。有古井九。鑄塔。內有古鼎。藏劍一。鏡一。銘壁。下發得佛牙舍利。似是梁代故物。

金芝巖在清遠北。唐天寶間。莖氣者言。南海東南內有靈山。發金草。遣使得金芝二十四莖。鐫然作金鐵聲。

黃巢磯在清遠南。黃巢寇廣州。殺李韶覆舟。庚。

西樵巖在南海西南。巖有石室石珠。飛瀑如瀉。下爲玉女淘妙巖。流梨泉。龍泓九真洞。歲時恆禱龍。龍泓占風雨雲氣。南漢時有烏利仙迹。

鎮象塔在東莞西。南漢馮餘官使邵庭瑄建。庭瑄。劉氏愛將。嘗告劉鋹曰。漢承唐亂。幸天下有故。干戈弗及。漢渡驕。今諸國悉珍寶奉中國。漢不可後。否則宜斂兵自守。已而宋師至。庭瑄將舟師出洗口。鋹疑庭瑄必叛。殺庭瑄。馮餘官。漢離宮。九曜石。在西城內城。有湖長百餘丈。水凝綠列。石嵌奇突兀。類大湖。靈壁者九。南漢劉氏集方士煉丹處。蘇文忠公古舍利塔。在東莞西資福寺羅漢閣。狀若覆盂。文理類芭蕉。五色備具。蓋古佛腦骨也。比丘祖堂。夜夢赤蛇。吐珠白壁上。旦果得舍利。建塔。公自作銘以寶之。

東坡泉在西城內天慶觀。蘇文忠公初鑿得一石。狀如龜。泉涌出。號龜泉。清冽亞達磨泉。淳祐間。經略使方大琮浚泉。護以定林廢寺鐵井欄。大琮有鐵井欄銘。

仙女灣在香山南海中。宋益王昞南遷。泊仙女灣。丞相陳宜中。欲奉昞葬占城。輿作昞祖。葬香山。宜中遁。殿帥蘇劉義追宜中不及。夜有火。燒仙女灣舟艦幾

盡。

崖山在新會南。山有兩崖對峙。海潮出入。宋紹興間。嘗置戍。衛王昀南遷。結營崖山海中。海水鹹。級道斷。天狗墮海。聲隆隆如雷。丞相陸秀夫。朝服抱衛王沉海。文武嬪御。從死者萬數。

大奚山在東莞南大海中。一曰硃州山。有三十六嶼。山民築魚鹽不戢。宋紹興間。招其少壯。置水軍。嘯聚。遂墟其地。今有數百家。徙米種蒲。羊射麋鹿。時載所有至城。易鹽米去。

爲說者曰。東陽李生自海上回。爲言南越事。山川風土。悉有可考者。夫南越本一州地。自秦漢以來始通。尉佗之自王。劉襲之事制。亦嘗自同中州。燭鼓數代。至於天下盡一。而後能有定。豈不以其山海之險遠故哉。當今廣爲大府。自紅嶺而上。經大庾關。隘之高峻。自閩徼而入。過潮陽。嵐路之稀遠。自祥阿而下。則又將歷巖江。煌水。龍石之崑崙。黃茅青草。炎瘴襲人。毒蛇猛虎。山谷盤踞。是故世之仕者。恆未嘗願至。至則常數期日。而或不足以償其苟且塞責之心。然而晴天勝景。山靈開而海氣伏。珍禽嚶鳴。異草叢生。花有素馨朱槿。果有荔枝龍

眼橫柳蹙。膏之屬。芬香豔冶。鮮甜爽脆。魚雞蜆菜。堆積於市。酒支數年。苟能順其風氣。時其調適。宜若無間於中州。至於控制山揀。厭服海外大蠻夷。歲時蕃餉。金珠犀象香藥雜產之富。充溢耳目。抽賦帑藏。蓋不下鉅萬計。必又賴矣。夫涕泣運金之吏。而後有以愧夫經生奸貨之俗。厥任至重。故常劇於他郡。而必欲其稱職。是又豈得以其險遠之故。寡瘴乘之。而或略於民事者哉。然則世之仕者。勿以其險遠可忘。必圖其政。山海之氓。勿以其險遠自恃。必奉其法度。此則天子堂陛之間。卽爲廣府。誠不可以不慎也。雖然。自秦漢以還。南越幅員數千里。莫不自歸於經理撫綏之中。至唐而後列爲五府。廣府實大叢山深峒。惡民頑俗獷。草搖風動。常必德懷而威懾之。然後自己。聞者。一時山峒顓顓無所覺知之氓。弄兵潢池。假息湯釜。至使父兄子弟。修被櫛。燧壕塹。晝夜鉦鼓。凜焉若鉅敵之壓境。訛言相驚。繼之朝廷以是而厲法令。嚴盜賊。修馬政。禁兵器。是雖一指疥癬之微。而徧身猶或謂之不甯者。蓋久而後免有定。此豈可以輕視南越一區之地。而不綏戒其山海之險遠者哉。嗚呼。今之所紀者。山川故在。人物則悉已往。而不可復追矣。遂因及其風土政事之概者。著於末節。苟有觀者。